



10 Arsye Për Të Mbrojtur Fëmijët Tuaj Nëpërmjet Vaksinimit

Ja ku janë 10 arsyet për të mbrojtur fëmijët tuaj, nga sëmundje serioze e tepër të rënda, nëpërmjet vaksinimit.

1. Prindërit duan të bëjnë çdo gjë që është e mundur për tu siguruar që fëmijët e tyre janë të shëndetshëm dhe të mbrojtur nga sëmundje që mund të parandalohen. Vaksinimi është mënyra më e mirë për ta bërë atë.
2. Vaksinimi i mbron fëmijët nga sëmundje të rënda të parandalueshme me vaksinë si dhe nga komplikacionet e tyre të cilat mund të përfshijnë prerje të ndonjë gjymtyre, paralizë, shurdhim, konvulsione, dëmtime të trurit, deri edhe vdekje.
3. Sëmundjet e parandalueshme me vaksinë të tilla si fruthi, shytat dhe kolla e mirë, janë ende një kërcënim. Shytat dhe kolla e mirë ende qarkullojnë në vendin tonë ndërsa fruthi qarkullon në vendet fqinje me ne. Këto sëmundje infektojnë shumë lehtë fëmijët duke çuar dhe në shtrimin e tyre në spitale.
4. Edhe pse vaksinimi ka çuar në një rënie dramatike të numrit të rasteve për disa nga sëmundjet ngjitëse në Europë dhe zero raste në vendin tonë, ka nga këto sëmundje që janë mjaft të zakonshme në vende të tjera të botës dhe që janë sjellë në Europë apo vendin tonë nga udhëtarët ndërkombëtarë. Nëse fëmijët nuk janë të vaksinuar, ata mund ta marrin shumë lehtë një nga këto sëmundje nga një udhëtar, ose nëse udhëtojnë ata vetë.
5. Shpërthimet epidemike nga sëmundje të parandalueshme me vaksinim ndodhin atëhere kur shumë prindër vendosin të mos i vaksinonjë fëmijët e tyre.
6. Vaksinimi është i sigurtë dhe efektiv. Të gjitha vaksinat kalojnë një proces të gjatë vlerësimi nga shkencëtarë, mjekë dhe autoritete kontrolli, në mënyrë që të garantohet siguria e tyre.
7. Ministria e Shëndetësisë, Instituti i Shëndetit Publik dhe Organizata të ndryshme mbështesin fuqishëm mbrojtjen e fëmijëve me vaksinat e rekomanduara.
8. Vaksinimi mbron edhe persona të tjerë për të cilët ju tregoni kujdes, duke përfshirë anëtarët e familjes, miqtë dhe gjyshërit.
9. Nëse fëmijët nuk janë të vaksinuar, ata mund të transmetojnë sëmundjen tek fëmijë të tjerë ende të vegjël në moshë për tu vaksinuar, ose në fëmijë që kanë probleme me sistemin imun, të tillë si marrës transplant apo të sëmurë me kancer. Kjo mund të rezultojë në komplikacione të stërzgjatura madje dhe vdekje për këta persona të pambrojtur.
10. Ne të gjithë jemi të angazhuar në shëndetin e komunitetit tonë për të mbrojtur njëri-tjetrin dhe fëmijët e njëri-tjetrit duke vaksinuar anëtarët e familjeve tona.